

**MESYUARAT KEEMPAT (BELANJAWAN 2023)
BAGI PENGGAL PERSIDANGAN PERTAMA
DEWAN NEGERI JOHOR YANG KELIMA BELAS
PADA HARI SELASA, 06 DISEMBER 2022, JAM 9.30 PAGI**

SUSUNAN PERKARA-PERKARA MESYUARAT

- 1. DOA.**
- 2. PEMASYHURAN DARIPADA YANG BERHORMAT SPEAKER DEWAN NEGERI JOHOR.**
- 3. SOALAN LISAN.**

**YB TUAN AZNAN BIN TAMIN (TANJUNG SURAT)
SOALAN 1 (A131)**

Adakah Kerajaan Negeri mempunyai perancangan khusus untuk membantu menentukan halatuju anak-anak muda yang melanjutkan pengajian ke madrasah, yang mana mereka ini tidak mendapat pendidikan atau sijil persekolahan kerajaan?

**YB PUAN RASHIDAH BINTI ISMAIL (PASIR RAJA)
SOALAN 2 (A10)**

Adakah Jabatan Kemajuan Masyarakat mempunyai perancangan yang rapi untuk memastikan tenaga kerja yang cukup dan bantuan dapat disalurkan dengan segera bagi menghadapi bencana banjir?

**YB TUAN HAJI SELAMAT BIN TAKIM (SUNGAI BALANG)
SOALAN 3 (A37)**

Di DUN Sungai Balang mempunyai kawasan tanaman sawah padi dengan keluasan 640 hektar. Adakah kerajaan mempunyai perancangan untuk menjadikan sawah ini sebagai tumpuan dalam usaha sekuriti makanan dan peningkatan hasil pengeluaran agar dapat menyumbang kepada kestabilan bekalan makanan dalam negeri?

**YB DATO' HAJAH SHARIFAH AZIZAH BINTI DATO' SYED ZAIN (MAHKOTA)
SOALAN 4 (A21)**

Sejauhmana konsep ‘Keluarga Malaysia’ ini dilihat berjaya dalam usaha untuk menyatupadukan penduduk di Johor yang rata-ratanya tinggal secara berkelompok dalam satu-satu kawasan khususnya di kawasan luar bandar seperti di DUN Mahkota.

YB TUAN EE CHIN LI (TANGKAK)
SOALAN 5 (A106)

Apakah usaha pihak kerajaan negeri dalam menarik pelabur ke Johor terutama di daerah-daerah Johor Utara.

YB TUAN CHEN KAH ENG (STULANG)
SOALAN 6 (A25)

Apakah tindakan yang diambil untuk menyelesaikan masalah infrastukstur di Pangsapuri Hajah Hasnah, Pangsapuri Desa Melayu dan Pangsapuri Desa Jaya di Johor Bahru?

YB TUAN HAHASRIN BIN HASHIM (PANTI)
SOALAN 7 (A152)

Adakah kerajaan negeri mempunyai perancangan khusus dalam membangunkan sebuah modul khas bersifat politik dan kenegaraan kepada murid-murid di sekolah menengah di negeri ini sejajar dengan penurunan had umur mengundi kepada 18 tahun.

YB DATUK MOHAMAD NAJIB BIN SAMURI (PARIT YAANI)
SOALAN 8 (A15)

Apakah perancangan Kerajaan Negeri Johor untuk memastikan perancangan projek tebatan banjir Daerah Batu Pahat dapat membantu mengurangkan risiko banjir kilat yang sering berlaku di Kawasan Dun Parit Yaani seperti : Parit Besar, Parit Imam, Taman Sri Jaya dan Taman Puteri.

YB TUAN HAJI ABD. MUTALIP BIN ABD. RAHIM (LAYANG-LAYANG)
SOALAN 9 (A59)

Apa jenis pelaburan-pelaburan yang menjurus kepada pembangunan ekonomi anak muda, terutamanya di kawasan DUN Layang-layang yang boleh dibawakan ke dalam kawasan saya terutamanya dari segi pertanian, ekonomi gigs, perindustrian automotif dan keusahawanan ?

YB TUAN CHEN KAH ENG (STULANG)
SOALAN 10 (A27)

Adakah semua agensi berkaitan dengan pelaburan (seperti Invest Johor, MIDA, IRDA, JETCO dan sebagainya) ada mengadakan mesyuarat berkala bersama untuk menyelaras usaha menarik pelaburan?

YB PUAN MARINA BINTI IBRAHIM (SKUDAI)
SOALAN 11 (A55)

Pada Julai 2022 di dalam mesyuarat OSC MBIP, dimaklumkan bahawa Datuk Bandar MBIP telah mengarahkan satu kajian dibuat bagi memastikan bangunan blok 2 dan blok 3 Flat Taman Jaya selamat diduduki. Apakah status kajian tersebut?

YB TUAN HAJI SELAMAT BIN TAKIM (SUNGAI BALANG)
SOALAN 12 (A35)

Negeri Johor amat bertuah kerana dikelilingi 3 laut iaitu Laut China Selatan, Selat Melaka dan Selat Tebrau yang mempunyai potensi pantai pelancongan popular. Justeru apakah langkah kerajaan untuk membangun dan menaik taraf pantai-pantai ini supaya menjadi daya tarik pelancongan negeri?

YB TUAN AZNAN BIN TAMIN (TANJUNG SURAT)
SOALAN 13 (A130)

Dengan kemasukan pelaburan bernilai RM60.9 bilion ke negeri ini, apakah perancangan kerajaan negeri untuk memastikan belia-belia dalam negeri ini mampu untuk menjadi tenaga mahir bagi memenuhi keperluan tenaga kerja yang bakal wujud terutama dalam sektor perkhidmatan dan industri berteknologi tinggi?

YB TUAN HAJI MOHD YUSLA BIN ISMAIL (SENGGARANG)
SOALAN 14 (A164)

Mohon pihak kerajaan negeri memberi status mengenai pengurusan bagi kerja-kerja pembersihan rumput di tepi-tepi jalan kampung serta kerja-kerja membaik pulih jalan kampung memandangkan banyak jalan yang telah semak serta rosak pada hari ini disebabkan tiada selian mengenainya secara sistematik.

YB TUAN HAHASRIN BIN HASHIM (PANTI)
SOALAN 15 (A151)

Nyatakan perancangan yang diambil kerajaan negeri bagi membantu membangun infrastruktur asas di kawasan tapak perumahan generasi ke-2 FELDA.

YB TUAN AZNAN BIN TAMIN (TANJUNG SURAT)
SOALAN 16 (A128)

Setakat ini, berapakah penerima manfaat Skim Jaminan Kredit Perumahan (SJKP) yang diumum Kerajaan Persekutuan dan apakah bentuk promosi yang dilaksanakan kerajaan untuk meningkatkan kesedaran rakyat Malaysia tentang kewujudan skim ini terutama di kawasan kampung.

YB TUAN HAJI MOHD YUSLA BIN ISMAIL (SENGGARANG)
SOALAN 17 (A163)

Mohon pihak kerajaan negeri mempercepatkan pembinaan rumah di Jalan Jeragan yang terletak di tanah milik Jabatan Veterinar Batu Pahat untuk penempatan semula penduduk Kampung Petani yang diarahkan keluar.

YB PUAN NOR RASHIDAH BINTI RAMLI (PARIT RAJA)
SOALAN 18 (A43)

Minta dinyatakan usaha Kerajaan Negeri untuk kerja-kerja penyelenggaraan parit dan sungai bagi menjamin kesejahteraan rakyat dan kelestarian alam sekitar serta mengurangkan risiko tebing parit runtuh.

YB PUAN SARASWATI A/P NALLATHAMBY (KEMELAH)
SOALAN 19 (A110)

Bantuan Keluarga Malaysia (BKM) biasanya dimasukan dalam satu akaun bagi setiap keluarga. Adakah kerajaan mempunyai jalan penyelesaian sekiranya pasangan itu berpisah dan hanya sebelah pihak sahaja menerima?

YB TUAN HAJI ABDUL AZIZ BIN TALIB (MAHARANI)
SOALAN 20 (A155)

Menilai semula Bangunan Puspakom Parit Bakar Muar ditukar kepada kawasan yang lebih baik bagi mengelakkan kesesakan lalu lintas dan keselamatan awam lebih terjamin.

YB PUAN RASHIDAH BINTI ISMAIL (PASIR RAJA)
SOALAN 21 (A11)

Adakah kerajaan mempunyai perancangan untuk mengubahsuai teknologi pembinaan dan baik pulih jalan raya di negeri Johor agar bersesuaian dengan peningkatan bilangan penggunaan jalan raya dan dapat mengurangkan kos baik pulih?

YB PUAN RASHIDAH BINTI ISMAIL (PASIR RAJA)
SOALAN 22 (A12)

Apakah kerajaan mempunyai perancangan khas untuk memastikan setiap kawasan hotspot di luar bandar khususnya di DUN Pasir Raja mempunyai lampu jalan bagi memastikan keselamatan pengguna jalan raya?

YB TUAN LIEW CHIN TONG (PERLING)
SOALAN 23 (A67)

Nyatakan berapakah jumlah peruntukan dibelanjakan untuk membaiki lampu jalan di dalam DUN Perling dari tahun 2013 hingga Disember 2022 dan langkah kerajaan untuk membaiki kerosakan lampu jalan raya dengan lebih efektif.

YB PUAN NOR RASHIDAH BINTI RAMLI (PARIT RAJA)
SOALAN 24 (A44)

Minta dinyatakan usaha Kerajaan Negeri dalam mengangkat semula Projek Pembinaan High Speed Rail di Negeri Johor.

**YB PUAN NOR RASHIDAH BINTI RAMLI (PARIT RAJA)
SOALAN 25 (A45)**

Minta dinyatakan usaha Kerajaan Negeri mengagihkan pelaburan RM60.9 bilion di setiap daerah terutama di Zon Tengah. Menjadikan Batu Pahat sebagai bandar satelit yang dapat membawa pelaburan lebih besar ke Negeri Johor.

**YB DATO' IR. HASNI BIN MOHAMMAD (BENUT)
SOALAN 26 (A80)**

Minta dinyatakan apakah pertimbangan utama dalam merangka Belanjawan Johor 2023 dan bagaimana rakyat Johor secara keseluruhan mendapat manfaat daripadanya.

**YB PUAN FAUZIAH BINTI MISRI (PENAWAR)
SOALAN 27 (A125)**

Umum mengetahui bahawa negeri Johor telah mencatat jumlah pelaburan tertinggi di Malaysia setakat September 2022 iaitu sebanyak RM60.9 bilion. Sejauh manakah agihan pelaburan tersebut disalurkan kepada setiap daerah?

**YB TUAN HAHASRIN BIN HASHIM (PANTI)
SOALAN 28 (A153)**

Apakah persediaan kerajaan negeri bagi mendepani isu inflasi yang dijangka kekal tinggi pada tahun 2023?

4. **SAMBUNGAN PERBAHASAN ATAS RUNDINGAN BACAAN KALI YANG KEDUA BAGI RANG UNDANG-UNDANG ENAKMEN PERBEKALAN (2023) TAHUN 2022.**

----- (BAHASAN YB BACK-BENCHERS) -----

Persidangan ditangguhkan sehingga hari Rabu, 07 Disember 2022, jam 9:30 pagi.